



Province of the
EASTERN CAPE
EDUCATION



NATIONAL SENIOR CERTIFICATE

IBANGA 11

NOVEMBA 2022

**ISIXHOSA ULWIMI LOKUQALA
OLONGEZELELWEYO (FAL) P1
(EXEMPLAR)**

AMANQAKU: 80

IXESHA: 2 iiyure

Olu viwo lunamaphepha ali-14.

IMIYALELO NENGCACISO

1. Eli phepha lemibuzo linama CANDELO AMATHATHU angala:

ICANDELO A: Uvavanyo lokuqonda	(30)
ICANDELO B: Isishwankathelo	(10)
ICANDELO C: Izakhi nemigaqo yokusetyenziswa kolwimi	(40)
2. Phendula YONKE imibuzo.
3. Bhala iCANDELO NGALINYE kwiphepha ELITSHA.
4. Krwela umgca ekupheleni kweCANDELO ngalinye.
5. Nombola iimpendulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
6. Shiya umgca emva kwempendulo NGANYE.
7. Qwalasela ngokukodwa upelo nolwakhiwo Iwezivakalisi.
8. Lingcebiso malunga nolwabiwo Iwexesha:

ICANDELO A: Imizuzu engama-50	
ICANDELO B: Imizuzu engama-20	
ICANDELO C: Imizuzu engama-50	
9. Bhala ngokucocekileyo nangokucacileyo.

ICANDELO A: UVAVANYO LOKUQONDA

UMBUZO 1

ISICATSHULWA A

1.1 Fundiswa esi sicutshulwa singezantsi uze uphendule imibuzo elandelayo.

ISIXHOSA SAMAXHOSA		
1	Masiyivume into yokuba isiXhosa sale mihla asifani nesiya sasithethwa ngoobawomkhulu mfamlibe. Asisayi kuze sifane kunjalonje. IsiXhosa esasithehwa ngooMqhayi ekuqaleni asifani nesiya sasithethwa ngooNongqawuse kuCentane. Omnye umhlobo wam ozithanda kakhulu iincwadi zikaMqhayi ezinesiXhosa esimnandi wakhe wathi kum akwaba bonke ababhali bebenokubhala esiya siXhosa sinamanqatha sikaMqhayi bayeke lo bhaxa wesiXhosa bambhalayo. Impendulo yam njengombhali wezi mini, kuyinene ukuba uMqhayi wayenesiXhosa esimnandi. IsiXhosa esinambithekayo umve lwo usithethayo ukuba usithetha ngaphandle kwexhala, simyoli siyavakala.	5 10
2	Le nto ithetha ukuthi kunganzima kuthi ukubhala ngolwimi olwaluthethwa kwisithuba seminyaka engamashumi amane adlulileyo kuba abafundi banamhlanje abasathethi ngolwa hlobo. Thina singathini ke ukubhala into ngendlela esingathethi ngayo? Ewe sinakho ukumana siyijonga intetho yethu yanamhlanje ngamaganyana ambalwa, ubukhulu becalo intetho yethu ayinakuze ifane neyelo xesha kuba nale kaMqhayi yahluke mpela kwekaJolobe nekaJolobe yahluke mpela kwekaQangule. Qaphela kwa-intetho yethu yahlukile. Intetho yethu ayinakufana ncambingakhulelanga kwindawo enye. UmXhosa waseMetele wahlukile ngentetho kumXhosa waseNgcobo.	15 20
3	Xa siqwelasela izichazi-magama zakudala sifumanisa ukuba kukho inyambalala yamagama esingawasebenzisiyo kule mihla. Kuthi loo magama akasenantsingiselo. Makhe sijonge esi sikaKropf kuthiwa <i>yiKafir English Dictionary</i> ukubizwa kwaso. Sona sabhalwa ngowe-1899. Sinala magama 'ibhenqa' kodwa bendingazi ukuba ukuthetha ngolunya nokuzingca kukubheqa. Andiwazi mna amajwethe, andilazi tu ikreko. Ngaba bethu saya phi eso siXhosa? KwesikaMcLaren isichazi magama esithi, <i>A Concise Xhosa-English Dictionary</i> esabhalwa ngowe-1914 kukho la magama: ingcambane, iqawusi, ikulutsi, umyayiga. Hayi madoda sihambile isiXhosa, asimanga ndaweninye. Lo mpondo-zihlanjiwe wombhali wentetho yesiXhosa unguMcLaren uthi kwesinye isichazi-magama awasibhala ngowe-1923 kukho la magama: igotyiba uqolomashe, ukuphacaza, nomchokose.	25 30

4	Ndivuyiswa yinto yokuba akho amanye amagama esiwaziyo noxa amanye singawazi. Bakho abalaziyo nabalivumayo eliya ganyana lethu laseMetele lithi, ‘ingqumeya ngunziphonde’. Yonke le nto yalatha ukuba ‘isiXhosa asimanga ndawonye sihambile’. Sihambe ngesantya esikhulu kunjalonje. Yijo loo nto sithi kwezi mini ilunga legwaba nguphezukomkhono. Kuthi ke le ntaka isixeleta ukuba ingene intwasahlobo ke ngoko indoda nganye kufuneka ibambelele phezulu komkhono wekhuba, ilime amasimi. Ukuhlonipha kwabafazi nabakhwetha lolunye ulwimi olulutyebisileyo ulwimi lwethu. Atsho kamnandi emxhelweni womXhosa la magama: amanunga, intyathuko, ityhagi njalo njalo. Kubuhlungu ukuphawula ukuba ukuhlonipha kuya kuphela. Akusekho bantu bayigcinileyo into yokuhlonipha, kanti ukuhlonipha kulapho kulele khona ubuXhosa bethu. Singabantu abahloniphayo asiveli sibize kuba kubizwa, siyahlonipha ubukhulu becalala xa sithetha, asithi pahaa.	35 40 45
5	Enye indawo enika umdla esiXhoseni ngamagama eendawo. Kucacile ukuba olu lwimi lwakowethu lwaluteketekete ngemihla yangaphambili. Icacile imvelaphi yeli gama lithi iBhayi, iBhofolo, iRhafu njalo njalo kodwa anqabile la andelayo, iCumngce, iNcemerha, iNciba, ndibala ntoni na? Kanti asikhange sime apho isiXhosa. Sigeje kangangokuba iingcali zesiXhosa zibhenele ekwenzeni isichazi-magama sesiXhosa esitsha. Kaloku sele kungenelele namagama awayengetho ngexesha lookhokho angala: isipheke-pheke, ithelevizhini, intluva, isivi njalo njalo. Yiva ndikuxelele gazi lam, sihambile isiXhosa sakuthi. Masiphakameni MzoNtsundu sithethe ulwimi lwethu, sixelise ezinye iintlanga ezinamathele kwiilwimi zazo. Ulwimi lwakho lufuna ukuhoywa nguwe hayi omnye umntu. Kwanele!	50 55 60

[Sicatshulwe kwincwadi, *Ugeme*; ngu-P.T. Mtuze; Iphepha lesi-9–10 saze sahlelwa]

Jonga kumhlathi wokuqala.

- 1.1.1 Yintoni le kufuneka siyivumile? (1)
- 1.1.2 Khetha igama elichaza ukuba le nto kuthethwa ngayo ayisokuze ijike. (1)
- 1.1.3 Bhala igama lombhali obhala iincwadi zesiXhosa okhankanyiweyo kulo mhlathi. (1)
- 1.1.4 Usixeleta ntoni umbhali ngale nkcaza yakhe ethi: ‘lo bhaxa wesiXhosa bambhalayo’? (2)

Jonga kumhlathi wesibini.

1.1.5 Ngokwesicatshulwa isimamva u-'wa' kwigama 'olwaluthethwa' sibonakalisa:

- A Isenzisa.
- B Isenzela.
- C Isenziwa.
- D Isenzana.

(1)

1.1.6 Chaza unobangela wokuba intetho yethu yahluke. (2)

Jonga kumhlathi wesithathu.

1.1.7 YINYANI/LULUVO ukuba izichazi-magama zakudala zinamagama esingawasebenzisiyo. Xhasa impendulo yakho. (2)

1.1.8 Uthetha ukuthini umbhali ngentetho ayibhale ngqindilili kulo mhlathi? (2)

1.1.9 Tyumba igama elibonakalisa ukuba uMcLagen yingcaphephe yombhali. (2)

Jonga kumhlathi wesine.

1.1.10 Xela isizathu sokuba umbhali enze uphinda-phindo Iwentetho ethi 'IsiXhosa asimanga ndawonye sihambile'. (2)

1.1.11 Sebenzisa igama 'ilime' libe kwisininzi ulisebenzise ngokuchanekileyo kwisivakalisi. Cwangcisa impendulo yakho ngolu hlobo:

(a) isininzi

(1)

(b) isivakalisi

(2)

1.1.12 Bhala isithetha-ntonye seli gama 'ityhagi'. (1)

Jonga kumhlathi wesihlanu.

1.1.13 Khankanya amagama amaBINI angamagama emboleko asetyenziswe kulo mhlathi. (2)

1.1.14 Esi sihloko sithi, 'isiXhosa samaXhosa' siwuxhasa njani umxholo wesi sicutshulwa. (2)

ISICATSHULWA B: OKUBONWAYO

1.2

KUMNANDI UKUKHONZA[Ithatyathwe ku-cruisecritic.com]

- 1.2.1 Xela izinto zibeMBINI ezibonisa ukuba lo mntu ukulo mfanekiso uhleli phandle. (2)
- 1.2.2 Bhala imisebenzi eyenziwa ngulo mntu ukulo mfanekiso. (2)
- 1.2.3 Ngqina ngeengongoma ezimbini ukuba lo mfanekiso uzoba ixesha lehlobo. (2)

AMANQAKU ECANDELO A: **30**

ICANDELO B: ISISHWANKATHELO

UMBUZO 2

Funda esi sicutshulwa silandelayo, wandule usishwankathelo usicebise ngeendlela ezinokunceda uhlale usempilweni ngeli xesha lesifo seCorona. Shwankathela ngokwemo yokudwelisa iingongoma. Landela le miyalelo xa ushwankathela.

1. Chonga iingongoma eziphambili ezisi-7 ubude bungadluli kuma 60–70 amagama.
2. Zidwelise ngendlela ehambelanayo ngamazwi wakho ungawulahlanga umxholo.
3. Bhala inani lamagama owasebenzisileyo kwizibiyeli ezantsi kwestioner.
4. Upelo, iimpawu zobhalo nokusetyenziswa kolwimi maluchaneke.

ISICATSHULWA C

Ukuqhambuka kweCorona kube nefuthe kubomi bethu ngeendlela ezininzi. Kubaluleke ngakumbi ngoku kunakuqala ukukhathalela impilo. Nazi iingcebiso ezinokunceda uhlale usempilweni, kwaye wonwabile.

Ziqhelise ukuqondisa kwaye unike ingqalelo kwinto oyenzayo kuya kukunceda uhlale ukhumbula. Ukuqihelanisa nokuqonda kukunceda ekubeni woyise uxinzelelo.

Qaphela indlela ophefumla ngayo zama ukunciphisa ukuphefumla kwakho kwaye ubale umphefumlo wakho ukusuka kwisinye ukuya kuntlanu ukuzolisa ingqondo.

Yiba nokutya okusempilweni nokunesondlo. Ukugcina ukutya okunempilo kunokunceda ukukhulisa amajoni omzimba ukunceda ukulwa iCOVID-19. Bandakanya iziqhamo kunye nemifuno eminzi.

Hlala uqhagamshelana, thatha eli xesha ukuphinda unxibelelane nabahlobo bakho kunye nosapho lwakho ngexesha lokuzikhetha. Unokufunda ukusebenzisa itekhnoloji entsha ukunxibelelane nabantu obathandayo. liApps ezinje ngoSondeza okanye iSkype zikuvumela ukuba ubize umnxeba kwaye unxibelelane nabanye nanini na emini.

Hlala usebenza, ukuhlala usebenza kunokuba lula njengokuthatha uhambo olufutshane ujikeleze iyadi yakho, igadi, ukucoca imeko yasekhaya, ukunitha nokupheka. Gcina umzimba wakho ubhetyebhetye ngokuzolula okanye ukwenza iyoga kuqala ekuseni xa uvuka.

Zigcine wonwabile, ukuzigcina uxakekile kwaye wonwabile ngexesha le-COVID-19 kubaluleke kakhulu. Ukumamela umculo, ukubukela imiboniso oyithandayo kwiNetflix, ukudlala iipuzzle ezikwi-Intanethi, ukubhalisela izifundo zeYouTube kunye nokufunda isakhono esitsha zezinye zeembono onokuthi uzizame.

Nxibelelana nezixhobo zempilo yengqondo. Eli lixesha elinzima neligonwabisyo, kwaye ukuba ufuno inkxaso yezempilo yengqondo ungatsalela umnxeba i-Beyond Blue Support Service. Inkonzo yasimahla neyimfihlo iyafumaneka mihla le kubo bonke abantu base-Australia kwi-Intaneth.

[Sicatshulwe ku-dareanddiscover.com saze saguqulelwa esiXhoseni]


AMANQAKU ECANDELO B: 10

ICANDELO C: IZAKHI NEMIGAQO YOKUSETYENZISWA KOLWIMI**UMBUZO 3****ISIBHENGEZO-NTENGISO.**

Funda esi sibhengezo-ntengiso uze uphendule imibuzo elandelayo.

ISICATSHULWA D

Iitapile! Ikumkani kwizidlo.



Zinesondlo,
ziphekeka lula.
Thenga ezakho
nawe, ungcamlle.

Imveliso **yakwaOom Boss**.
Ngena ku-oomBoss online
marketing. Sifumaneka
kuKahoot, naku WhatsApp.

[Sithatyathwe ku-Agro4africa.com.saze sahlelwa]


- 3.1 Yintoni le mveliso ithengiswa kule ntengiso? (1)
- 3.2 Xela igama lomzi-mveliso wale mveliso ithengiswayo. (1)
- 3.3 Khetha impendulo echanekileyo kwezi zingezantsi. Ibinzana elikule ntengiso elithi 'ikumkani kwizidlo' lisetyenziselwe ...
- A ukufanisa.
 B ukuhlonipha.
 C ukubaxa.
 D ukumntwisa. (1)

- 3.4 Nika amaqonga abeMABINI asetyenziselwa ukushishina kwesi sibhengezo-
ntengiso. (2)
- 3.5 Kunika eyiphi intsingiselo ukusetyenziswa kwesakhi u ‘yakwa’ kule ntengiso. (1)
- 3.6 Khankanya izinto zibeMBINI umthengi azifumanayo xa ethenge le mveliso. (2)
- 3.7 Ingaba ulwimi olukhapha le ntengiso luyithengisa ngokuthimbayo le mveliso?
Xhasa impendulo yakho. (2)
[10]

UMBUZO 4: IKHATHUNI

Funda le khathuni uze uphendule imibuzo elandelayo.

ISICATSHULWA E



[Icatshulwe kwi-intanethi-mamataxi.blogspot.com]

- 4.1 Yintoni ebonakalisa ukuba isithethi esikwisakhelo-1 siyathetha. (1)
 - 4.2 Nika umsebenzi wesikhuzzo esikwisakhelo soku-1. (2)
 - 4.3 Ndiyaggina/Ndiyachasa ukuba nguKatana othethayo kwisakhelo sesi-2. (1)
 - 4.4 Thelekisa intshukumo kaKatana ekwisakhelo soku-1 nekwisakhelo sesi-2. (2)
 - 4.5 Bhala imo ende ngegama elisetyenziswe kwisakhelo sesi-3 'Sungxola'. (1)
 - 4.6 Khetha igama elisisithetha-ntonye seli gama 'Sukungxola' kula alandelayo:
 - A Thetha
 - B Thuma
 - C Thula
 - D Theza (1)
 - 4.7 Chaza ukuba umzobi usiveze njani isihlekiso kule khathuni. (2)
- [10]**

UMBUZO 5

IPIROZI

5.1 Funda esi sicutshulwa uze uphendule imibuzo elandelayo.

ISICATSHULWA F

ULuyolo Yiba uye waphumelela emaggabini engalindelekanga kukhuphiswano lomculo. Waye wafumana isigidi seerandi kanye namanye amaqithiqithi. Lo mfana unamashumi amane eminyaka, uyinzalelwane yaseMpuma Kapa. Uxelele iphephandaba iSowetan ukuba akakhange acinge konke konke ngokuphumelela, uthi ebefuna nje ukuba kuluhlu lwe Top-10 abe kwiqonga kuba yena ebefuna ukukhula njengemvumi kuphela. Esinye seziphlo kwezininzi azifumeneyo sisigidi seerandi, imiliyon esandleni.

Uthiwe jize ngewaka leerandi ngoko nangoko yaze yafakwa kwiakhawunti yakhe phambi kokuba awongwe ngesigidi serandi. Igaraji yakwaFord yamnika umnyobo wesithuthi esitsha kraca esiyiFord Fiesta. KwaTelkom uwongwe ngesixa semali engama-R350 000 eerandi kanye ne20GB yedata. KwaHauwei ufumene iwotshi yodidi oluphezulu enomfanekiso wekati entle kakhulu.

[Sicutshulwe ku<https://www.sowetanlive.co.za/saze/saguqulelwa-esixhoseni>]

5.1.1 Xela umsebenzi wegama elikwizibiyeli kwesi sivakalisi silandelayo.

ULuyolo Yiba (uye) waphumelela emaggabini engalindelekanga kukhuphiswano lomculo. (1)

5.1.2 Sebenzisa igama ‘emaggabini’ kwisivakalisi liphuhlise intsingiselo eyahlukileyo kule ikwisicatshulwa. (2)

5.1.3 Khetha isimelabizo kwesi sivakalisi singezantsi unlike nodidi lwaso. Lo mfana unamashumi amane. (2)

5.1.4 Khetha impendulo echanekileyo kwezi zilandelayo: Igama ‘iphephandaba’ liwa kwesi sigaba-sentetho ...

- A kwizithetha-ntonye.
- B kwizixando-zezenzi.
- C kwisibizo-esimbaxa.
- D kwizibizo-ezingacacanga.

(1)

5.1.5 Yakha isibizo ngegama ‘esandleni’ uze usisebenzise kwisivakalisi. Cwangcisa impendulo yakho ngolu hlobo:

- (a) Isibizo
- (b) Isivakalisi

(2)

- 5.1.6 Xela umfanekiso-ngqondweni oziswa libinzana ‘uthiwe jize’ elikrwelelwe umgca ngaphantsi.

Uthiwe jize ngewaka leerandi.

(2)

- 5.1.7 Bhala kwakhona esi sivakalisi silandelayo sibe kwixesha eladlulayo.

KwaTelkom uwongwe ngesixa semali eninizi.

(2)

- 5.1.8 Bhala iqhalo ngesi sibizo ‘ikati’.

(2)

[14]

5.2 UMFANEKISO

Funda lo mfanekiso uze uphendule imibuzo esekwe kuwo.

ISICATSHULWA G



[Uthathwe [kuwww.capecylemag.com](http://www.capecylemag.com)]

5.2.1 Lungisa ezi zivakalisi zilandelayo ngokusebenzisa ngokuchanekikeyo igama elikwizibiyeli.

(a) Unxibe (hle) uDuma.

(b) Ibe (indaba + umlomo) into yeemaski kulo nyaka. (2)

5.2.2 Bhala ingxelo ntetho ngesi sivakalisi silandelayo ngezantsi.

Faka imaski yakho Lizo, utsho uDumo. (2)

5.2.3 Hlahlela isivakalisi esingezantsi ukhuphe igatya eliyintloko nelayamileyo.

Lo mfana uphakamise isandla esikhulu phezulu.

Cwangcisa impendulo yakho ngolu hlobo:

IGATYA ELIYINTLOKO	IGATYA ELAYAMILEYO

(2)
[6]

AMANQAKU ECANDELO C: 40
AMANQAKU EWONKE: 80